

La BCG serra las agenturas a Silvaplauna e Segl-Maria

Cuira, ils 18 da favrer 2020 – La Banca Chantunala Grischuna (BCG) serra la fin d'avrigl 2020 sia agentura a Silvaplauna e la fin d'october 2020 l'agentura a temp parzial a Segl-Maria. Il motiv per questa decisiun èn ils basegns sa midads sin fundament da la digitalisaziun. Las clientas ed ils clients reglan lur affars bancars adina dapli sur chanals electronics e dovran adina pli paucs servetschs en las filialas. Ultra da quai vegnan en tuts dus lieus pensiunads proximamain cussegliaiders da banca.

La BCG examinescha mintgamai la cuntinuaziun da sias agenturas, cura che la dumonda al lieu sa reducescha marcantamain. Per cussegliaziuns persunalas sa drizza gia oz ina gronda part da la clientella da las filialas a Silvaplauna e Segl-Maria directamain a las agenturas vischinas da la BCG u a la sedia regionala a San Murezzan. Ultra da quai reglan las clientas ed ils clients adina pli savens online ils affars bancars. Tras quai è il dumber da transacziuns al spurtegl sa reduci fermamain en las duas agenturas dapi il 2011. «Quests svilups han manà a la decisiun da serrar las filialas», declera il commember da la direcziun Thomas Roth.

Silvaplauna: il bancomat resta

Las abitantas ed ils abitants da Silvaplauna fan lur cumissiuns quotidianas e reglan lur affars bancars surtut a San Murezzan. Per quest motiv èn las transacziuns a Silvaplauna sa reducidas dapi il 2011 per stgars 34 pertschient. La cussegliaadra Doris Cahenzli tgira la filiala anc enfin la fin d'avrigl 2020 e va silsunter en pensiun. L'ultim di da manaschi da la BCG a Silvaplauna è ils 30 d'avrigl 2020. Il bancomat resta mantegnì al lieu actual.

Segl-Maria: ils cussegliaiders midan en in'autra filiala, il bancomat resta

L'agentura a temp parzial a Segl-Maria è averta dapi in temp mo pli il suentermezdi. La gronda part da las personas che viva e lavura en vischnanca fa las cumissiuns e regla ils affars bancars a San Murezzan, nua che la BCG porscha tut ils servetschs da banca. L'ultim di da manaschi da la BCG a Segl-Maria è ils 30 d'october 2020. Ils cussegliaiders Lino Andreazzi ed Adriano Cominetti che tgiran la filiala, vegnan silsunter a lavurar en outras agenturas da la regiun San Murezzan. Il bancomat a Segl-Maria resta mantegnì al lieu actual.

Vinavant ina ferma preschientscha en la regiun

La BCG è represchentada bain en la regiun da Silvaplauna e da Segl-Maria. D'ina vart cun filialas vischinas, da l'autra vart cun divers bancomats. «Discurs da cussegliaziun individuals èn natiralmain vinavant pussaivels sin dumonda, era tar las clientas ed ils clients a chasa», declera Christoph Raschle, manader da la regiun San Murezzan, l'impurtanza dal contact persunal. Cun las actualmain var 50 [filialas](#) dispona la BCG anc adina d'ina da las pli spessas raits d'agenturas en Svizra.

Soluziuns digitalas a chasa ed en viadi

La BCG investescha cuntinuadamain en soluziuns digitalas, per che las clientas ed ils clients possian reglar lur affars bancars a moda simpla ed autonoma independentamain dal temp e dal lieu. In exempel è il [center da clientella](#), nua ch'ins po empustar a moda cumadavla daner contant e laschar trametter quel a chasa. Igl è era pussaivel da fixar in termin per ina cussegliaziun. Cun l'[app](#) da la BCG per smartphone e tablet èsi pussaivel da far diversas transacziuns era durant ch'ins è en viadi. L'[e-banking](#) è la soluziun classica e simpla per blers affars bancars. Ultra da quai porscha la BCG diversas pussaivladads digitalas da far pajaments sco era da pajar senza contact cun la carta Maestro da la BCG e las cartas da credit. Dapli infurmaziuns sin gkb.ch/digital.

Contact per las medias:

Banca Chantunala Grischuna, Medias & Investor Relations, Chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

La Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 1010 collavuraturas e collavuratur (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 28.5 milliardas in gudogn dal concern da CHF 185.5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants: 25 d'avrigl 2020

Rendaquint semestril 2020: 23 da fanadur 2020
